




EEU

ხელოვნების კლუბის წესდება



დამტკიცებულია: უნივერსიტეტის რექტორის 2022 წლის

ბრძანებით №.....

EEU

1. ზოგადი დებულებები

1. წინამდებარე წესდება განსაზღვრავს შპს აღმოსავლეთ ევროპის უნივერსიტეტში (შემდგომში - „უნივერსიტეტი“) ხელოვნების კლუბის (შემდგომში - „კლუბი“) უფლებამოსილებებს, მისი საქმიანობის ძირითად პრინციპებსა და მიზნებს.
2. ხელოვნების სტუდენტური კლუბი წარმოადგენს საერთო სასწავლო-სამეცნიერო ინტერესის/მიზნების ირგვლივ სტუდენტების ნებაყოფლობით გაერთიანებას, რომელიც იქმნება უნივერსიტეტის აზაზე სტუდენტთა შორის სტუდენტთა ექსტრაკურსულარულ აქტივობებში ჩართულობის გაზრდისა და სტუდენტებში ხელოვნების პოპულარიზაციისა და ცნობიერების ამაღლების მიზნით.
3. კლუბი იქმნება და ფუნქციონირებს წინამდებარე წესდებით დადგენილი წესების დაცვით.
4. კლუბს აქვს საკუთარი ლოგო, საკონტაქტო ელ-ფოსტა და უნივერსიტეტის ოფიციალურ ვებსაიტზე საკუთარი გვერდი.
5. კლუბის შექმნის/რეგისტრაციისა და გაუქმების შესახებ გადაწყვეტილებას იღებს კლუბების მხარდაჭერისა და განვითარების საბჭო.
6. კლუბი ანგარიშვალდებულია კლუბების მხარდაჭერისა და განვითარების საბჭოს წინაშე.
7. კლუბი თავის საქმიანობაში ხელმძღვანელობს საქართველოს კანონმდებლობით, აღმოსავლეთ ევროპის უნივერსიტეტის სტუდენტური კლუბის დებულებით, წინამდებარე წესდებითა და უნივერსიტეტის სხვა სამართლებრივი აქტებით.

2. კლუბის მიზნები და ამოცანები

1. **კლუბის მიზანია:**
 - ა) სწავლების ყველა (ბაკალავრიატის, მაგისტრატურის, ერთსაფეხურიანი და დოქტორანტურის) საფეხურის სტუდენტები ხელს შეუწყობს ხელოვნების პოპულარიზაციას, სტუდენტების კულტურულ-შემეცნებითი აქტივობების განხორციელებაში, დებატებში სტუდენტთა ჩართულობას, მათთვის ხელოვნების მიმართულებით საინტერესო საკითხების სიღრმისეულ განხილვაში.
 - ბ) ხელი შეუწყოს ხელოვნების მიმართულებით სტუდენტთა პოტენციალის გამოვლენას და მათი იდეების სტიმულირებას;
 - გ) ხელი შეუწყოს სტუდენტების საუნივერსიტეტო სივრცეში ინტეგრაციას, შემოქმედებითი, ესთეტიკური და წარმოსახვითი უნარების გაუმჯობესებას;
3. **კლუბის ფუნქციები და ამოცანები:**
 - ა) კულტურული ღონისძიებების გამართვა (გამოფენა, საჯარო მოხსენებები, კინო-ჩვენებები, მუსიკალური და ლიტერატურული საღამოები, თეატრალური ღონისძიებები და სხვა) და შედეგების საზოგადოებაში გავრცელება;
 - ბ) სტუდენტთა შორის ურთიერთობების განვითარება, კლუბის წევრებს შორის გუნდური მუშაობის სულისკვეთების შექმნა და გაძლიერება;
 - გ) უცხოურ თუ ადგილობრივ მსგავს სტუდენტურ ორგანიზაციებთან, კლუბებთან მჭიდრო კავშირი/კომუნიკაცია საკლუბო დონეზე;

ხელოვნების კლუბი - წესდება

დ) სტუდენტების, კურსდამთავრებულებისა და სკოლის მოსწავლეების ჩართულობის ხელშეწყობა სხვადასხვა სახელოვნებო აქტივობებში;

3. კლუბის სტრუქტურა და ადმინისტრირება

1. კლუბს ხელმძღვანელობს პრეზიდენტი, რომელიც ანგარიშვალდებულია კლუბების მხარდაჭერისა და განვითარების საბჭოს წინაშე.
2. კლუბის თანამდებობები და სტრუქტურული ერთეულები
 - ა) პრეზიდენტი;
 - ბ) კლუბის წევრი;
 - ბ) კლუბის მენტორი;
3. კლუბის პრეზიდენტის უფლებები:
 - ა) ხელმძღვანელობს კლუბის საქმიანობას და პასუხისმგებელია კლუბის საქმიანობის ხარისხიან წარმართვაზე;
 - ბ) პასუხისმგებელია კლუბის ცნობადობის გაზრდაზე;
 - გ) ხელს უწყობს კლუბში იდეების გენერირებას და კლუბის ქმედითუნარიანობას;
 - დ) ახორციელებს წინამდებარე წესდებით განსაზღვრულ სხვა უფლებამოსილებებს;
4. კლუბის პრეზიდენტს მოეხსნება უფლებამოსილება:
 - ა) წინამდებარე წესდებისა და სტუდენტური კლუბის დებულების დარღვევის შემთხვევაში;
 - ბ) კლუბის წევრებზე ზეწოლის მოხდენის შემთხვევაში;
 - გ) შეხვედრების 30%-ის არასაკატიოდ გაცდენის შემთხვევაში;
 - დ) ეთიკის ნორმებისა და შინაგანაწესის დარღვევის შემთხვევაში;
5. კლუბის პრეზიდენტის არჩევა ხდება 2 წლის ვადით, კლუბის წევრთა საერთო რაოდენობის ხმათა უმრავლესობით (<https://electionbuddy.com/> ელექტრონულად ხმის მიცემის ანონიმური პლატფორმის გამოყენებით).
6. კლუბის მენტორი არის აღმოსავლეთ ევროპის უნივერსიტეტი აკადემიური ან მოწვეული პერსონალი, ან ელიტ კლუბის წევრი, რომელიც ჩართულია კლუბის საქმიანობაში ეხმარება სტუდენტებს სახელოვნებო პროექტების მომზადებაში, აძლევს მათ საშუალებას წარადგინონ პროექტი ნებისმიერ ეტაპზე და მიიღონ უკუკავშირი. ასევე ახორციელებს ტრენინგებს და ზრუნავს კლუბის წევრებში განავითაროს პრეზენტაციის და კომუნიკაციის უნარები.
7. სამეცნიერო კლუბების შეკრებათა განრიგი და დღის წესრიგი განისაზღვრება წინასწარი სამუშაო გეგმით.

4. კლუბის წევრობა

1. კლუბის წევრი შეუძლია გახდეს აღმოსავლეთ ევროპის უნივერსიტეტის მაღალი აკადემიური მოსწრების, მოტივირებული საბაკალავრო, სამაგისტრო, ერთსაფეხურიანი და სადოქტორო პროგრამის ნებისმიერი სტუდენტი ან კურსდამთავრებული, ვისაც აინტერესებს ხელოვნების სხვადასხვა დარგები და სურს, გაიღრმავოს ცოდნა ამ მიმართულებით;
2. კლუბის წევრების რაოდენობა არ უნდა იყოს 5 წევრზე ნაკლები;

ხელოვნების კლუბი - წესდება

3. კლუბში გაწევრიანებისთვის საჭიროა მსურველმა პირმა შეავსოს „კლუბში გაწევრიანების ელექტრონული აპლიკაცია“ (იხ. ბმულზე: <https://www.surveymonkey.com/r/RWT3XTN>)
5. კლუბში გაწევრიანების და კლუბიდან გარიცხვის საკითხს წყვეტს კლუბი, სრული შემადგენლობის უმრავლესობით;
6. კლუბის წევრის უფლებამოსილების შეწყვეტის საფუძვლებია:
 - ა) წინამდებარე წესდების, სტუდენტური კლუბის დებულების, კვლევის ეთიკისა და კეთილსინდისიერებისა და შინაგანაწესის უხეში დარღვევა;
 - ბ) 6 თვის განმავლობაში ხელოვნების სფეროში არანაყოფიერი საქმიანობა;
 - გ) სხვა უმაღლეს საგანმანათლებლო დაწესებულებაში გადასვლა ან სტუდენტის სტატუსის შეწყვეტა;
 - დ) პირადი განცხადება
 - ე) შეხვედრების 50%-ის არასაკმატიოდ გაცდენა;
7. კლუბის წევრის უფლებები:
 - ა) მონაწილეობა მიიღოს კლუბის საერთო საქმიანობაში;
 - ბ) შესაძლებლობების ფარგლებში ისარგებლოს კლუბის სარგებლობაში არსებული ინფორმაციით და ტექნიკური საშუალებებით
8. კლუბის წევრის ვალდებულებები:
 - ა) დაიცვას კლუბის წესდება, კლუბის დებულება და წევრთა უმრავლესობის მიერ მიღებული გადაწყვეტილებები;
 - ბ) დაიცვას ეთიკის ნორმები და დაემორჩილოს შინაგანაწესს;
 - გ) აქტიურად მონაწილეობდეს კლუბის მუშაობაში (მათ შორის, შეხვედრებზე დასწრება, პრეზენტაციების მომზადება და დისკუსიაში ჩართულობა და სხვა);

5. კლუბის უფლებამოსილება

1. კლუბი უფლებამოსილია:
 - ა) განსაზღვროს კლუბის მუშაობის დღის წესრიგი და გაუწიოს ორგანიზება;
 - ბ) განახორციელოს კლუბის პროფილიდან გამომდინარე თემატური ღონისძიებები;
 - გ) ღონისძიების შესახებ ინფორმაციის გავრცელების მიზნით 10 სამუშაო დღით ადრე მიაწოდოს ინფორმაცია სტუდენტური კლუბის მხარდაჭერისა და განვითარების საბჭოს;
 - დ) განახორციელოს ერთობლივი კულტურული მიმართულების პროექტები მსგავსი პროფილის სხვა კლუბთან ერთად;
 - ე) შეარჩიოს კულტურულ-შემოქმედებითი პროექტები საგრანტო კონკურსზე გასატანად;
 - ვ) ორგანიზება გაუწიოს სტუდენტთა დისკუსიებს ხელოვნების სფეროში აქტუალურ საკითხებთან დაკავშირებით.
 - ზ) მოისმინოს კლუბის წევრთა მოხსენებები;
 - თ) საბჭოსთან შეთანხმებით მოიწვიოს გარეშე პირი საჯარო ლექციის, ტრენინგის ჩატარების მიზნით;
 - ი) კონკურსის გზით შეარჩიოს კლუბის ახალი წევრები და ყოველსემესტრულად წარუდგინოს ინფორმაცია საბჭოს;
 - კ) კლუბის მიერ განხორციელებულ აქტივობებში ჩართოს კურსდამთავრებულები, სტუდენტები.
 - ლ) საბჭოს წარუდგინოს კლუბის მუშაობის შესახებ წლიური ანგარიში;

ხელოვნების კლუბი - წესდება

მ) დაიცვას და განახორციელოს წინამდებარე წესდებით, სტუდენტური კლუბის დებულებით განსაზღვრული კლუბის საქმიანობასთან დაკავშირებული სხვა ფუნქციები.

6. კლუბის უფლებამოსილების შეჩერება/გაუქმება

1. კლუბის რეგისტრაციას/გაუქმებას ახდენს საბჭო, დამფუძნებელთა მიერ ამ დებულებით განსაზღვრული წესით შევსებული მიმართვის საფუძველზე ან იმ შემთხვევაში, თუ კლუბმა დაარღვია საკუთარ უფლებამოსილებები, ან უკანასკნელი სემესტრის განმავლობაში კლუბს აქვს დაბალი რეიტინგი (0-10). კლუბის გაუქმების ნაცვლად შეიძლება საბჭომ განიხილოს მმართველი რგოლის შეცვლის საკითხი.
2. სტუდენტური კლუბის საქმიანობის დებულებით დარღვევის შემთხვევაში შესაძლებელია კლუბისათვის საქმიანობის უფლების შეჩერება ერთიდან ექვს თვემდე ვადით;

7. დასკვნითი დებულებები

1. წესდებაში შესწორების შეტანას და წესდების შეცვლის საკითხს კლუბის პრეზიდენტის წარდგინების საფუძველზე განიხილავს კლუბების მხარდაჭერისა და განვითარების საბჭო და დასამტკიცებლად წარუდგენს უნივერსიტეტის რექტორს.
2. წესდების დამტკიცებას, მასში ცვლილებისა და დამატების შეტანას ახორციელებს უნივერსიტეტის რექტორი უნივერსიტეტის დებულების, სტუდენტური კლუბის დებულების და სხვა სამართლებრივი აქტებით დადგენილი წესით.
3. წესდება ამოქმედდეს მისი დამტკიცებისთანავე.